

明季遺聞

明季遺聞卷二 南都

江左鄒

漪流綺

綺流綺

十月朔命鑄弘光錢。時廟門穴戶科吳道疏陳昭事之定。一日日講。且行請勅定期。俾博聞有道之臣朝夕左右。稽詢經史。虛衷延納。更取祖訓大誥諸書。時省覽以爲著鑑。一日午朝。且舉俾閣部大臣以及臺垣散秩。咸得躬膺清問。卽於披對之餘。採疾苦以疏民隱。覈功罪以勸疆臣。明是非以黜邪佞。疏入不省。清朝攝政王遣副將唐起龍招撫江南。致書史

可法云。予向在瀋京。卽知燕山物望。咸推司馬。及入  
開破賊。與都人士相接見。議介弟於清班。曾托其手  
勒乎安。奉期裏緒。何時得達。北關道路紛紛。多謂金  
陵有自立王者。夫君父之仇。不共戴天。春秋之義。有  
賊不討。則故君不得安葬。新君不得卽位。所以防亂。  
臣賊子法至嚴也。聞賊李自成稱兵犯闕。手毒君親。  
中國臣民。不聞加遺一矢。乎西視王吳三桂。介在東  
隣。獨效包胥之哭。朝廷感其忠義。念累世之風好。焉  
近日之小嫌。嚴整貔貅。驅馳勦獍。入京之日。首崇懷。

名正言順  
可以服衆

宗帝后謚號卜葬山陵悉如典禮親郡王將軍以下  
仍故封號不加改削勛戚文臣咸在朝列息典有加  
耕市不驚秋毫無犯方擬天氣秋爽遣將西征傳檄  
江南臨兵河朔陳師鞠旅戮力同心以報爾君父之  
仇彰我朝廷之德豈意南州諸君子苟安旦夕不審  
事機聊慕虛名頓忘寔害予甚惑之夫國家之定燕  
都乃得之於闖賊而非得之於明朝也賊毀明朝之  
廟主辱及先王國家不憚征繕之勞悉索敝賦代爲  
雪耻萬世仁人君子何以報德耶乃乘寇稽誅王師

暫息。卽欲雄據江南。坐享漁人之樂。豈可謂江淮以  
爲天塹之憑。遂不能飛渡也。况閭賊但爲明朝寇。愚  
未嘗得罪於國家。徒以薄海同仇。特伸大義。今若擁  
稱尊號。便是天有二日。復爲勅敵。予將簡西征之銳。  
卒轉旆東征。且擬釋彼重誅。命爲前導。夫以中華全  
加受制。潢池而欲以江左一隅。兼夫大國勝負之數。  
無待著龜矣。予聞君子之愛人也以德。小人則以姑  
息。諸君子果識時知命。切念故主。厚愛賢王。宜勸令  
別號。歸藩。永結福位。朝廷當待以虞賓。盛承禮物。帶

隔山河。位在諸侯王上。庶不負朝廷伸義討賊興滅  
繼絕之初心也。至於南州諸君子。貴然來儀。則爾公  
爾侯。列爵分土。有平西王之典例在。惟執事寔圖維  
之。晚近士大夫好高樹名。不顧國家之急。每有大事  
輒相祭舍。昔宋人議論未定。兵已渡河。可爲殷鑒。先  
生領袖名流。主持至計。必訪實察始終。寧忍隨俗浮  
沉。取舍從違。應早審定。兵行在即。可東可西。南國安  
危。在此一舉。願諸君子同以討賊爲心。無貪瞬息之  
榮。致令故國有無窮之禍。爲亂臣賊子所笑。予尚有

厚望焉。記有之。惟善人能受盡言。故敢布腹心。佇聞  
名教。江天在望。延跼爲勞。書不盡言。可法答書云。爾  
中自接好音。隨遣使訊吳大將軍。未敢運通左右。非  
委降誼於草莽也。誠以大夫無私交。春秋之義。今倥  
偬之際。捧琬琰之章。真不啻從天而降也。謦讀再三。  
慙慙致意。若以逆成。尚稽天誅。爲貴國憂。法且感。且  
愧。懼左右不察。謂南國臣民。偷安江左。頃忘君父之  
仇。故爲殿下一詳陳之。我大行皇帝。敬天法祖。勤政  
興。真堯舜之主也。以庸臣悞國。有三月十九日之

事法待罪南極。救援無及。師次江上。凶信突來。地拆  
天崩。川枯海竭。嗟乎。人孰無君。雖建法於市。孰以爲  
泄泄者。飛翼足慰先帝於地下。哉。爾時南中臣民哀  
慟如喪考妣。無不拊膺切齒。愿悉東南之甲。立剪凶  
仇。而二三老臣謂國破君亡。宗社爲重。相與迎立。今  
上以繫中外人心。今上非他。神宗之孫。光宗猶子。大  
行皇帝兄也。名正言順。天與人歸。五月朔日。駕臨南  
都。萬姓夾道歡呼。聲聞數里。群臣勸進。今上退然不  
自勝。謙讓再三。僅允監國。迨臣民伏闕屢請。始於十



五日進位南都。從前鳳集河清瑞應非一。卽告廟之  
日。紫氣如蓋。祝文升霄。萬目共瞻。欣傳盛事。大江湧  
出。桡梓數萬。助修宮殿。是豈非天意哉。越數日。遂命  
法視師江北。刻日西征。忽傳我大將軍吳三桂。借兵  
貴國。破走逆成。殿下入都。爲我先帝后發喪成禮。掃  
清宮殿。撫輯群黎。且免薙髮之令。亦不忘本朝。此舉  
動也。振古錄今。凡爲大明臣子。無不長跪地而頂禮  
加額。豈但如明論所云。感恩圖報已哉。謹於八月。薄  
具筐篚。遣使犒師。請命鴻裁。連兵西討。是以王師既

慷慨教  
存  
大義

發復次江淮乃辱明諭引春秋大義來相詰責善哉  
推而言之此又爲列國君薨世子應立有賊未討不  
忍死其君者之說耳若夫天下共主身殉社稷青官  
皇子慘變非常而拘牽不卽位之說坐昧大一統之  
義中原鼎沸倉卒出師將何以維繫人心號召忠義  
紫陽綱目踵事春秋其間特書莽移漢祚光武中興  
不廢山陽昭烈踐祚懷愍亡國晉元嗣基徽欽蒙塵  
宋高續統是皆於國仇未報之日亟正位義綱目未  
嘗斥爲自立卒以正統與之至於玄宗幸蜀太子卽

位靈武。議者察之。亦未嘗不許以行權。幸其光復舊物也。本朝傳世十六。正統相承。自治冠帶之屬。繼絕存亡。仁恩遐被。貴國夙膺封號。載在盟府。殿下豈不聞乎。今痛心本朝之難。而驅除亂逆。可謂大義復著。春秋昔契丹和宋。多輸以金。緡回紇助唐。原不利土。地況貴國。篤念世好。兵以義動。萬代瞻仰。在此一舉。若夫手足膺難。并同秦越。規此幅員。爲德不卒。是以義始。而以利終。貽賊人竊笑。貴國豈其然乎。先帝軫念潢池。不忍盡戮。勦撫並用。貽悞至今。今上天縱聰

明刻刻以復仇爲念。廟堂之士。和衷體國。介冑之士。拏楫枕戈。忠義民兵。愿爲國死。竊以爲閭閻賊之滅。當不越於斯時矣。語有云。樹德務滋。除惡務盡。今賊未伏天誅。捲土西秦。方圖報復。此不獨本朝不共戴天之仇。抑亦貴國除惡未盡之憂。伏惟堅同仇之誼。全始終之德。合師進討。問罪秦中。共梟逆成之頭。以洩敷天之恨。則貴國義聞千秋。本朝固惟力是視。從此兩國世通盟好。傳之不窮。不亦千載一時哉。若夫牛耳之盟。封本朝使臣。久已載道。不日抵燕。奉盤盂以

從事矣。法北望陵廟。無涕可揮。身陷大戮。罪應萬死。所以不卽從先帝者。寔爲社稷之故也。傳曰。竭股肱之力。加之以忠貞。法處今日。鞠躬致命。克盡臣節。所以報也。殿下伏賜垂鑒。可法又上疏言。三月以來。陵廟荒蕪。山河鼎沸。臣備員督師。而河上之防。百未料理。復仇之師。不及於閩陝。討賊之約。不達於比廷。一似君父之仇。置之膜外者。夫我卽卑宮菲食。嘗胆卧薪。聚才智之精神。而枕戈待旦。合方升之物力。而破釜沉舟。尚恐無救於事。以臣親廟堂之作用。百執事。

痛哭之聲  
溢於楹  
之表

之精神殊未盡然憶北變初傳人心震駭臣等恭迎  
聖駕臨蒞南都億萬之歡聲動地陛下初見臣等言  
及先帝則淚下沾襟次謁孝陵贊及高皇帝高皇后  
則淚痕滿袖皇天后土寔式鑒臨曾幾何時可忘前  
事先帝以聖明罹慘禍此千古未有之變也先帝崩  
於賊恭皇帝亦崩於賊此千古未有之仇也先帝待  
臣以禮馭將以恩一旦大故在此諸臣死節者寥々  
在南諸臣討賊者寥々此千古以來未有之耻也庶  
民之家父兄被殺尚思穴胃斷脰得而甘心朝廷願

可○漢○置○今○宜○速○行○討○賊○之○詔○嚴○責○臣○與○四○鎮○悉○簡○精○  
銳○直○抵○秦○關○懸○上○賞○以○待○有○功○假○便○宜○而○責○成○効○絲○  
綸○之○布○痛○切○淋○漓○庶○海○內○忠○臣○義○士○聞○而○感○奮○也○國○  
家○遭○此○大○變○陛下○嗣○承○大○統○原○與○前○代○不○同○諸○臣○但○  
有○罪○之○當○誅○寔○無○功○之○足○錄○今○恩○外○加○恩○紛○紛○未○已○  
武○臣○腰○玉○直○等○尋○常○名○累○溢○觴○於○斯○爲○極○以○后○似○宜○  
慎○重○端○待○真○正○戰○功○庶○行○間○猛○將○勁○兵○有○所○激○厲○也○  
至○兵○行○討○賊○最○苦○無○糧○似○宜○將○內○庫○本○折○槩○行○催○解○  
湊○濟○軍○需○其○餘○不○急○工○役○可○已○繁○費○一○切○報○罷○朝○夕○

宴○衍○左○右○獻○諛○一○切○謝○絕○卽○事○關○典○禮○萬○不○容○廢○亦○  
宜○槩○從○儉○約○乞○陛○下○念○念○思○祖○宗○之○鴻○業○刻○刻○愼○先○  
帝○之○深○化○振○舉○朝○之○精○神○萃○四○海○之○物○力○以○併○於○選○  
將○練○兵○一○事○庶○乎○人○心○猶○可○救○天○意○尚○可○回○耳○疏○入○  
不○省○時○災○異○叠○見○二○十○九○日○東○方○長○庚○星○較○昔○大○異○  
光○芒○閃○爍○有○四○角○或○五○角○中○有○刀○劍○旂○幟○馬○影○似○闕○  
闕○象○且○倏○大○倏○小○倏○長○倏○縮○又○廟○門○告○災○鳳○陽○祖○陵○  
登○火○地○一○日○三○震○有○聲○如○吼○自○秋○至○冬○烈○日○如○夏○在○  
在○赤○地○而○弘○光○深○居○禁○中○惟○漁○幼○女○飲○火○酒○雜○伶○宦○



演戲爲樂。修興寧宮。建慈禧殿。大工繁費。宴樂賞賜。皆不以節。國用匱乏。搜括殆盡。佃練湖。放洋船。爪儀製鹽。蘆洲升課。甚至沽酒之家。每觔定稅錢一文。蓋馬士英濁亂國政。內則田成兩宦。外則楊阮諸奸。兼有典平。東平。遙制內權。圻城撫寧。侵撓吏事。造謗日偏。而主不知。小人乘時射利。識者已知不堪旦夕矣。可法統兵抵白洋河。十一月十二日。清兵入宿遷。法救之。隨拔營去。十三日。高傑抵徐州。先是河南。

宋清夫探得

清朝於十月二十五日發兵一

往山西一往徐州一往河南。豫王將從孟縣過河。傑  
與劉澤清書云。清朝發一王子領兵二十萬。寔

七八千。齊駐濟寧。近日河南撫鎮接踵告警。一夕數  
至。開封上下北岸。俱是兵衆。罔渡甚急。惟恐彼一越  
渡。則天塹失恃。長江迤北。盡爲戰場。時事到此。令人  
應接不暇。惟有殲心竭力。直前無二。千萬難之中。求  
其可濟。以報國恩而已。澤清以聞。澤清又言。清朝

總河楊方興屯兵宿遷。鑄造鉄條爲業筏用。大學士  
王鐸疏請。願師江北。以復國仇。不免士英。魏繼清

清江雜錄  
卷之十  
賊情生

兵雖屯河北。然賊勢尚張。不無後慮。豈遂投鞭問渡。  
乎。况強弱何嘗亦僅三萬。泚水八千。一賊而江左以  
心。况國家全成。兵力萬倍於前。廓清底定。愿諸臣刻  
厝之也。保遺。清肅王書云。逆閹犯關。危及君父。痛  
憤於心。大仇未復。山川俱蒙羞色。豈獨臣子義不共  
正。關東大兵能復我神州。葬我先帝。雪我深怨。我  
黎民前有朝使。謹寶金幣。稍抒微忱。獨念區區一介。  
未足答高厚。萬一茲逆閹跳梁。西哥未及。我陳九條。  
臣子及一時豪傑。忠義之士。無不西望泣血。欲食其

肉而食其皮。晝夜卧薪嘗膽。惟以殺國逆報國仇。高  
汲汲。貴國原有莫大之恩。銘佩不暇。豈敢苟萌異念。  
自干負義之愆。僭假以菲劣。奉旨堵河。不揣綿力。惡  
欲會合勁旅。分道入秦。殲國賊之首。哭奠先帝。則僭  
之血。思已盡。能事已畢。便當披髮入山。不與世同事。  
一意竊視。役我大使者。茲咫尺光耀。可勝忻似。一  
積懷無由面質。若僭本念千言萬語。總欲會師勦賊。  
始終成貴國恤隣之名。且逆陽凶悖。貴國所甚惡也。  
本朝抵死欲報大仇。亦貴國念其忠義。所必許也。本

朝列聖相承。原無失德。正朔承統。天意有在。三百年  
奉養士民。淪肌浹髓。忠君報國。未盡民誠。亦所貴國  
之番盛也。清朝報書云。肅王致書高大將軍。果能  
棄暗投明。釋主而事。決意躬來。過河面會。將軍功名  
不在尋常中矣。若萌欲合兵勦賊。其事不與予言。或  
差官北來。予令人引奏。先是。清朝副將唐起龍。其  
父唐虞時。致書饒勸其早斷速行。有大者王。小者侯。  
不失如帶如襪。世世茅土之語。饒皆不聽。身先士卒。  
沿河築塹。竭力備禦。時有徐州通賊程繼孔。斬木編

引兵渡河。僞授傑降傑誘斬之。收其衆加傑太子太傅。可法太傅。内外文武爵賞有差。清兵至夏鎮。別由濟寧南下。又從雒陽渡河。攻海州。圍鄆州。史可法傑澤清等各告急。不應。十二月十八日。都督陳洪範南還。先是洪範與左懋第等至德州。清朝撫臣方大猷示以攝政王令。有來使不必敬語。止許百人赴京朝見。十月初一日。至張家灣。懋第欲先謁陵。後進見。攝政王不許。乃還。祭先帝於十二日入京。館鴻臚寺。越一日。內院剛林來登堂。止責懋第等江南不

應更立天子。懋弟不屈。洪範降。懋弟請祭告諸陵。改葬先帝。皆不許。乃陳太牢於寺堂哭祭之。二十七日放歸。十一月初四日至滄州。復遣兵追執懋弟等。北去。改禁太醫院。放洪範至是。肅稱。清兵萬分緊惡。旦夕南下。馬士英惡之。曰。有四鎮在。何慮焉。時賊竄突禹州。襄城等處。各鎮擁兵不進。惟興平伯高傑提兵。葛與張縉彥直抵開雒之間。縉彥賂絡寨勇。鼓勵進取。乃分寧陵以東至歸德。屬王之綱。寧陵以西至蘭陽。屬許定國。祥符以西至汜水。屬劉洪起。河洛

將李際遇。總兵王之綱。斬賊都司虞世傑。巡按陳濟。  
夫獲太康。僞知縣安中外等。副將劉鉉。郭從寬等。殺  
賊六百餘級。擒鄆陵僞知縣王度。許州僞巡捕王法。  
唐。總兵劉洪。起獲汝寧府僞官祝永苞。上蔡僞知縣。  
爲世遇。斬三百七十級。又於襄城斬賊二千二百七  
十六級。擒賊二百三十一名。總兵許定國。獲陳州僞  
官惠在公等。以洪起斬獲獨多。仍加二級。晉丁族康。  
太子太保。丁魁楚。兵部尚書。仍總督兩廣軍務。洪範。  
又請加恩。使北務臣。兵科戴英。效正之。言洪範出使。



無功正使身陷異域下役群聚晉謁天下聞之然竊笑也晉練國事兵部尚書白貽清太子太保戶部尚書賈商寶司卿許士柔詹事兼侍讀學士士柔正色立朝與溫溫仁不令因摘其舊撰前攀龍諸語降調朝論不服至是賜卹命李永茂巡撫南贛張秉貞巡撫浙江各僉都御史加左良玉太子太傅予世蔭指揮使開藩武昌子夢熊都督僉事掛平賊將軍甲授楚宗朱盛農池州府推官先是盛農疏誣監取御史黃澍毀制辱宗貪賕激變上負喜特擢之內批

刑部提問。因不至。贈故舉人靖子慕張世瑄。顏雲鴻。  
翰林院待詔山東巡按御史朱學朱大理寺卿學朱。  
戊寅死。節卹典爲楊。剛昌所抑。至是給之。予大學士  
孔貞運。謚文忠。葡遠。總督吳阿衡。謚忠毅。簡討胡守  
恒。謚文節。貞運以國變。痛哭不食死。守恒阿衡皆死。  
難者。又予修撰沈懋學。謚文節。諭德焦竑。謚文端。祭  
酒陳仁錫。謚文莊。禮部侍郎張邦紀。謚文懿。仁錫初  
以并璫削奪。尋得賜環。典較輪才。橫經造士。生平究  
心錢穀。通屯河漕律曆諸書。著述幾千卷。皆千秋金

鏡子濟生官太僕主簿命致祭故兵部尚書于謙封  
謙爲臨安伯。謙奠安宗社有大功。爲奸邪解禍。吏禮  
部以卹不酬。寃爲之請。卹復左都御史陳于庭原官。  
贈少保。二十日。刑部尚書解學龍上從逆諸臣六等  
罪除在北京何瑞徵等二十二人。俟三年後定奪。一  
等應磔。朱企郊等十一人。二等應斬。擬長繫秋決。光  
時亨等四人。三等應絞。擬贖。陳名夏等七人。四等應  
皮擬贖。王孫苞等十五人。五等應徒。擬贖。沈元龍等  
十人。六等應杖。擬贖。潘同春等八人。存疑另擬。翁元

決斷所出  
亦世傳法  
云第為其  
百不一一  
則信然

益等二十八人。保國公朱國弼等。合疏糾劾官六失。  
御史張孫振又言刑官賣法侮文。革學龍職。以高倬  
為刑部尚書。吏科張希夏吳适抄泰忻城伯趙之龍  
荐用人才。疏謂陳爾翼頌逆有據。且荐崔呈秀為本  
兵。不可復用。忻城再疏爭之。适特疏言祖制惟科臣  
得封駁之權。未聞黜爵而泰駁正之司。勲臣黨邪求  
勝。將部科俱可不設。不幾皆明旨而褫祖制乎。是時  
張集乘銓部務。皆阮大城一手權定。而選郎以貪黷  
濟之。吏道靡蕪已甚。适辦事垣中。抄駁侃侃不憚權。

貴。若安遠侯柳祥昌荐授程士達督理京營科泰士  
達不過積分監生。非屬舉貢正途。竊臣乃提督大漢  
非有標管之責。何得役樞戎職掌。以奪銓部權衡。慶  
遠知府郭儀鳳。流言揖冠勤王。且誣巡撫方震瑞。會  
狀科泰郡守無勤王之例。掛冠非入援之名。儀鳳不  
候恩赦。非奉明綸。擅離職守。飾詞妄瀆。察撫臣清龍  
有素。儀鳳穢跡著聞。必懼題泰先行反噬。自應嚴究。  
以杜刁風。光祿署丞張星。疏求考選。科泰張星初以  
縣令躁進降處。又掛察典。不惟望師清華之夢。亦已

身絕仕進之階。乃無端幻想僥倖。上賞欺君。孰甚若  
不一爲黜破。開門大典。不幾爲燃灰之地。向躍之門。  
耶。作定侯勲衛梁世烈。請襲祖爵。科忝國難以來。雖  
王侯戚里。咸餒虎狼。華貴重臣。悉罹鋒刃。而其間脫  
身圖存。埋名涸俗者。固亦不乏。該勲何以逆料其家  
之必殲。而忍以子嗣乎。萬一本宗匹馬來歸。將奪諸  
該勲。以授乎抑姑仍之。且兩封之乎。恐無此法紀也。  
該勲世受國恩。誠恢復有志。何難倡諸勲舊。破家從  
軍。自當直搗燕雲。上爲先帝復仇。次爲諸勲雪耻。爾

時訪問本支有無存否。然後請諸朝命。光復祖爵。不亦休乎。昔李晟收復長安。下令軍中曰。五日內無得輒通家信。今長安未復。殊非諸臣問家之日也。遂安伯勳衛陳濟疏請襲爵。科奉自都邑變遷。河山阻絕。世次無憑。單詞莫信。業奉明旨。嚴覈該勳。一請再請。若不能待直視五等之封。祇同土塊之乞。亦與某修都督一醉告身爲可。乘時拾芥而接取乎。况遂安勳衛。今或遜跡間闕。或從容歸國。安可懸坐鬼錄。使後來鞍馬遺裔執途人而可稱。孳孳孤忠裂本支而地。

績也。中書舍人張鍾齡請給部銜科參戰方何官監  
軍何事。妄行陳請。若果報國有心。何官不可自敘。而  
藉口贊畫。輒請部銜。躁進尤甚。他若革職司務未濟  
之。忝議陳之。仲勸農知縣夏萬亨。計處吏部。最慎行。  
副使魯應瑞。知府郭正中。躡躡營。陞或疏劾。或抄奏。  
不少假借。無奈人心。口說故事。日推雖經封駁。銓部  
竟置高閣。旋駁旋用。使職掌掃地而空。小盈廷矣。除  
夕弘先在興寧宮。色忽不怡。韓贊周言新宮宜推弘  
光日。梨園殊少佳者。贊周泣曰。臣以陛下令節。或思



皇考或念先帝乃作此想耶。明年乙酉稱弘光元年。  
定。清朝順治二年也。元日日有蝕之。吳适上言維  
新五事。一曰信詔旨。朝廷之有絲綸。所以彰示臣民。  
俾知遵守。適因事變錯出。前後懸殊。用人之途。始慎  
而繼以雜。誅逆之典。初嚴而終以寬。禁陳乞矣。而矜  
功誦寬者。章日上。重爵賞矣。而請廕乞封者。望日奢。  
鎮帥屢責進取。而遠戍不前。軍需頻督轉輸。而庚癸  
如故。欲期畫一。且重王言。今後凡奉明旨。務俾上作  
下應。內外永遵。毋致游移。一曰核人才。人才爲治道。

所從出將爲其終先謹其始頃者典籍無稽錢神有  
徑人思羅治初仕輒冀清華官多借題行間每增監  
紀黜逐之謀愈巧卸担之術偏工起廢而薰蕕並進  
懸缺則暮夜是求以至荐牘日廣啟事日勤今後求  
才務寬而用人務嚴寧重嚴於始進毋追恨於僨轍  
一日儲邊才將帥之畧豈必盡出武途如唐之節度  
文武兼用而內外互遷益儲之者素耳請飭中外蓬  
華之彥非韜鈴之畧勿講辟舉之選非軍旅之才勿  
登技勇騎射日日講求其激同仇以振積懦一日伸

國法。臣北諸臣已有定案。但恐此輩輩金圖。翻既以寬其不死者。昭皇仁之浩蕩。尤當以絕其覲用者。明臣子之大防。一日明言。祖宗設立六垣。與六部相表裏。是故糾彈之外。復有抄奏。捕闕拾遺。務期彈慮。倘掖垣僅取充位。則白簡止貴空懸。則抄發本章。一胥吏事。豈先王設官意哉。望陛下亟進諫言。見諸施行。毋致批答徒勤。而是效罔著。所禪非淺。疏人不省。都督李際遇降。清高饒。冒雪防河。疏請重兵駐歸德。東西兼顧。聯絡河南。撫其許定國。以奠中原。定國

國計定國  
之機高難  
有授者  
其舉動殊  
罕此舉  
富年袁自  
却之賊毛  
師同益用  
然無名此  
教賴之端  
也

在睢。傑遺定國銀千兩。收買百正。初十日。傑抵睢州。即  
日定國享傑。夜半伏兵起。殺之。親兵遇害者過半。餘  
衆潰還。定國奔。清加監軍衛胤文。兵部侍郎。總督  
傑軍。傑妻邢氏率子元爵。請卹弘光。命所部將士。仍  
聽邢氏統轄。史可法請以傑部將李本身為提督。弘  
光以與平有子。朕豈以兵馬信地。遽授他人。不允。黃  
得功復來。與傑爭揚州。弘光諭大臣。當先國事。而後  
私憾。得功若向揚州。致高營兵將。棄信東顧。設渡  
河。罪將誰任。命可法鎮撫之。得功回汛。加李本身太

軍其年  
理持公道

子太保左都督提督本鎮。赴歸德中權總兵楊承祖  
赴夏邑。副將劉應虎赴虞城。苗順甫赴陽山。後勁總  
兵李翔雲赴雙溝。右協總兵胡茂貞。左協總兵郭虎  
赴泗州駐防。劉良佐見係死。欲併其衆。疏稱清兵不  
宜投本身提督。澤清得功。又合奏係無寸功。加恩太  
重。臣等不能相安。而寧南侯左良玉有忠誠。將同歷  
卯之疏。九江總督袁繼咸亦有興平有可念之勞之  
疏。贈係太子太保。許其子襲爵。再歷一子錦衣衛古  
戶從優議。予祭葬。調湖廣總兵官方國安駐防江寧。

授降將狄鷹奎副總兵官。鷹奎殺賊獲將軍路應祥。挈印來歸者也。南翰巡撫李永茂奏報寇擾汀州。命福建巡撫張肯堂會勦。是時汀州賊圖王將妻妾盤據簾子洞。劫掠橫行。肯堂親征之。寧化知縣干華玉不得於鄉紳愿撫賊自効。既往。幾不免。遂許以官。與數百人偕來。肯堂給劄命華玉率之。勤王至浙東。各散去。華玉亦削髮爲僧。進吏部侍郎蔡奕琛爲東閣大學士。通政使楊維垣疏請重定欽案。吏部尚書張捷又奏請表章三案諸臣。於是劉廷元、呂純如、王德

重提三案  
欲傷官閣  
骨肉之倫  
得清流危  
亡之禍小  
人之壽祿  
能計至此

完黃克績王永光楊所修章光岳徐大化范濟世各  
予謚廕祭葬徐揚先劉廷宣許鼎臣岳駿聲徐卿伯  
姜麟各贈官予祭葬王紹徽徐光魁喬應甲陸澄原  
各復原官而唐世濟水佳胤楊光升吳孔嘉郭如闇  
周呂晉袁洪勳徐復揚陳以瑞等先後起用繼垣又  
請重頒三朝要典言張差瘋顛強坐爲刺客者王之  
案也李可灼紅丸謂之行鵠者孫慎行也李選侍移  
官造以垂簾之謗者楊漣也劉鴻訓文震孟只快所  
除異已不願誣謗君父此要典必須重頒也袁洪勳

又請追論焚要典諸臣罪左良玉力言要典治亂所  
關勿聽和言致興大獄弘光以此朕家事不必疑揣  
袁繼咸亦言要典不必重陳弘光云皇祖妣皇考無  
妄之誣豈可不雪事關青史非存宿憾群臣當體朕  
意吳孔嘉又奏三朝要典須併列當日奏議以存其  
是兄之陞繼垣都察院副都御史監生陸濬源又借  
題三案疏糾光祿少卿許譽卿譽卿一代正人疏言  
當日諸臣以翊戴光廟爲正今日諸臣以翊戴陛下  
爲正俱從倫序起見光宗母子無間先帝身殉社稷



何嫌何疑而小人無端搆弄。假手潘源。先帝久任體  
仁養冠。釀禍使得生榮死寵。竊謚文忠。陛下追削萬  
口稱快。潘源滿口頌其平章之功。甚矣若輩之取於  
黨奸欺上也。陞阮大鍼兵部尚書。賜蟒服。中書舍人  
林超疏稱正月初六日。雷聲自北至西。占在趙晉之  
野有兵。日在庚寅。主口角妖言。趙江浦人。善星術。馬  
士英在戊日。卜其大用。士英荐授中書尋臚一品武  
銜。璘王趨事未幾。養妖僧大悲僧係齊庶宗。妄稱定  
王下法。司會審棄市。遣太監李國輔開採雲霧山鉛

通言無欺  
雖以此并  
以相身輕  
似禁名重  
如山矣

事中吳适疏言。雲霧山卽名封禁山。縱橫數百里。北  
通微池。南連八閩。東抵衢嚴。西界信州。唐宋以來。每  
爲盜藪。其間深谷窮淵。虎狼接跡。險阻極目。無徑可  
攀。且地接祖陵龍脉。爲神京右臂。歷朝禁止樵牧。封  
禁所由名也。英宗初年。遣官採木。於是地方訛棍。互  
相煽惑。而狐假之輩。因之攘奪小民。招引匪類。大肆  
劫掠。兼多內外官屬供億之費。數邑坐困。民不聊生。  
近山良民。遂易爲散。大盜邵茂七等。聚衆數萬。藉以  
爲窟。攻城殺令。合四省兵力討之。十四年乃擒定。奉

通四省  
年無不少

通四省

卷之三

三

旨照舊封禁。往嗣蓋可鑒也。臣竊以界通四省。境地  
相歧。內阻峻嶺。外多絕谷。綿延重疊。驛路崎嶇。屬禁  
匪久。開鑿維艱。不便一。林莽幽深。重嶺疊峯。毒蛇猛  
獸。生育繁滋。一旦開伐。奔突狂噬。傷人必多。不便二。  
連深幽奧。週絕垣區。水不通舟。陸難移運。縱使輪蹄  
再出。時令神輸。不便三。棄傳驛駁。有司困於供億。誰  
善正賦。且吏胥假公行私。何所不至。而力田小民。棄  
本墮末。消磨歲月。土田有荒蕪之困。力役多死亡之  
憂。不便四。興朝舉動。天下矚望。以上安危。今以無利

雖謂內臣  
無正人

有害之事而特遣重臣播動人心。預危四省。番之。也。冊貽議後世。不便五達。邇傳聞。必且駭屯。職聚。競營。巢穴。居奇。召亂。約束無力。是使盜賊復生。而殺謬再見。不便六。况臣訊之父老。僉云。此山地連陵寢。日正統初。開伐。至傷地脉。遂釀土木之難。漫山川。靈氣不便七。舉此數端。有害無利。伏惟陛下採擇。國輔亦疏請中。撤俱不許。馳視如適言報罷。國輔係大司禮。韓贊周。養子。贊周。閣寺中正人也。傷心時事。杜門休沐。國輔時在官中。每有匡救。人以張永。目之。馬士英視。

爲眼中釘。因屬所私。以開採事。誼國輔具疏請往。其  
寔士英。意不在開採也。國輔提督勇衛營操練禁旅。  
及奉命往浙。士英竟奪營篆授其子馬錫。以乳臭兒  
結兵柄。時事可知。迺出士英逆刼恨之。予吏部侍  
郎顧起元謚文莊。都督劉源清謚武節。起范鳳翼光  
祿寺少卿。陳洪謚太僕寺少卿。考選林有本。沈應昌。  
張利民。韓接祖。錢源。徐方來。莊則敬。爲給事中。王錫  
襄。劉勳。夏繼虞。郝錦。王大捷。畢十臣。張兆熊。王養。郭  
貞一。爲御史。陞瞿式耜。僉都御史。巡撫廣西。王鳴訓。

都御史巡撫湖廣馬乾僉都御史巡撫四川廣昌伯  
劉良佐等合詞荐起朱大典爲兵部侍郎大典久任  
鳳督毀家起兵屢著戰功御史鄭瑜劾其侵贓百萬  
弘光以大典創立軍府所養士馬豈容枵腹詔勿問  
及改兵部尚書張國維予告歸御史張孫振劾在告  
禮部尚書顧錫時險邪有玷秩宗以其請削溫體仁  
謚而謚文震孟也命錫時致仕去上林監丞賀儒修  
奏禮部侍郎晉紹寧貪穢寔跡詔勿問外轉給事中  
馬嘉植御史沈宸荃吏部余殿爲司道等官以與士

聖佛人何  
食狂乃州

英不合故也。禁宗室入京師。時自二月以來。日月色  
甚赤。欽天監占候以聞。朱國弼疏論。原任清撫路振  
飛。稱鳳陽有天子氣。懷逆謀。弘光詰擧。飛意屈何人。  
原任杭州府推官黃端伯。先以無故削髮。奉先帝旨  
勘問。至是入京。稱姜曰廣逆謀有狀。援引鬼神士英  
喜。今與考選。以試卷多西域語。得禮部主事。禮部待  
郎晉紹寧。請上先帝太子謚曰獻愍。皇太子永王曰  
永悼王。定王曰定哀王。未幾鴻臚寺少卿高夢箕。密  
奏先帝太子在浙三月初一日。命太監李繼周密持

信得妙

史語得妙

札召王宮僧寺令內員迎入宮內員歸報不定尋命  
移寓錦衣衛都督馮可宗家傳文武官識認各冠帶  
往携吉服朝服備朝賀見其人南面坐大學士王鏊  
指原任講官方拱乾問曰此何人對曰方先生而講  
官劉正宗趨上不識也正宗拱乾問講讀先後對曰  
忘之矣又問書做字句亦曰忘之矣給事中戴英問  
先帝親勸吳昌時於廷東宮立何地對曰誰吳昌時  
英乃直詰之曰汝是詐冒以寔告當救汝卽跪請赦  
命授以紙筆供稱高陽人王之明係附馬王昌佐系



太子的係  
假冒而士  
民皆爲其  
何也

家破南奔。遇高夢箕。家人穆虎教以詐冒東宮王鐸  
等面奏狀。弘光流涕曰。朕未有子東宮。若其卽東宮  
矣。明日正宗英各具奏王之明。僞假太子。非推年所  
能辦。必有大奸。挾爲奇貨。宜勅法司根究。中允李荃  
濂亦奏東宮的係假冒。御史陳以瑞又奏。愚民觀聽  
易惑。道路籍籍。皆以諸臣有意傾先帝之血胤。弘光  
諭將王之明。好生護養。勿驟加刑。俟正告天下。愚夫  
愚婦皆已明白。然後申法。有內員上密疏。弘光令持  
示士英。士英言細問密疏。其言雖似疑處。寔多旣爲

東官幸脫虎口不卽到官說明却走紹興可疑一也  
東官厚質疑重此人機辯百出可疑二也公主現養  
周全家而云已死可疑三也臣愚以太子必已死宜  
行嚴審如其假冒當付法司與臣民共見而棄之如  
真東官則祈取入深官留養別院不可分封於外以  
啟奸人之心越三日集文武百官舉監生員耆老於  
午門外鞠之夢箕穆虎皆具服加之明言下之明刑  
部獄傳諭穆虎若非奸人豈敢挾王之明目認東官  
正月二月所成何局往闕往楚欲幹何事王使附逆

寔繁有徒。着法司窮治。蓋士英意在姜黃輩。而京師士民謬以太子爲非僞也。十三日又有故妃童氏自越其僦所至。命付錦衣衛監候。初弘光爲郡王。娶妃黃氏。早逝。旣爲世子。又要李氏。洛陽之變。又下童氏。本周府官人。逃亂至蔚長縣。遇弘光於旅邸。相依生一子。已六歲。賊破京師。弘光南奔。各不相顧。太妃與妃各依人自活。太妃之南。陳潛夫奏妃故在弘光弗召。至是自詣其餘所來。弘光弗悅也。劉良佐言童氏知非假冒。馬士英亦言苟非至情所關。誰敢與陛下。

清倖已極

諸疏議論  
自正

稱敵體宜迎童氏歸內密諭河南撫按迎致皇子以  
慰臣民之望以消奸宄之心童氏在獄細書入宮月  
日相離情事甚悉求馮可宗呈覽弘光棄去弗視可  
宗辭審尋命屈尚忠嚴刑酷拷氏號呼詛罵尋瘐死  
獄中未幾左良玉具疏請保全東宮以安臣民之心  
謂東宮之來吳三桂寔有符驗史可法明知之而不  
敢言此豈大臣之道哉朝諸臣但知逢君不惜大體  
前者李賊逆亂尚錫王封不忍遽加刑害何至一家  
反視為仇明知窮寇並無別情必欲轉轉誅求遂使

陛下忘屋烏之德臣下絕委裘之義普天同怨陛下  
獨與二三奸臣保守天下無是理也親親而仁民愿  
陛下省之有旨東宮果真當不失王封但王之明被  
穆虎使冒太子正在根究奸黨其吳三桂史可法等  
語尤係訛傳法司將審朋畧節先論該藩黃得功言  
東宮未必假冒各官逢迎不知的係何人辨明何人  
定爲奸僞先帝之子卽陛下之子未有不明不自付  
之刑獄人臣之義謂何恐在廷諸臣諂媚者多抗顏  
者少卽使明白識認誰敢出頭取禍乎劉良佐言王

之明童氏兩案未暢輿論懇求曲全兩朝尋倫母弟  
天下後世口實工部侍郎何楷言鎮疏東官甚明潮  
撫何騰蛟言太子到南何人奏聞何人物色取召至  
京馬士英何以獨知其偽既是王昺任孫何人舉發  
內官公侯多北來之人何無一人確認而泛云自供  
高夢箕前後二疏何以不發抄傳此事關天下萬世  
是非不可不慎江督袁繼咸言太子居移氣養必非  
外間兒童所能假襲王昺原係富族高陽未聞屠害  
豈無父兄群從何事隻身流轉到南既走紹興於朝

廷有何關係遣人踪跡召來詳目從何因起望陛下  
勿信偏詞使一人說向隅之恨則宇宙享壽平之福  
弘光以王之明目供甚明命洪司將審明節畧各諭  
之吏部尚書張捷題准卹成國公朱純臣照張輔例  
贈王純臣固率先勸進爲賊所誅者也琉球國遣使  
入貢請襲封命給事中陳燕翼行人韓元勳各給一  
品服色前去原任中允李明睿泛海南歸弘光以忠  
節深嘉之十九日設壇太平門外百官素服望祭先  
帝獨阮大鍼後至哭呼先帝而來曰致先帝殉社稷

此乾坤何  
等時而救

正人若非

告誡惡清

流之禍正

未有已耳

堂堂司馬

乃作江洋

大盜耶

者東朴諸臣也不盡盡殺東朴諸臣不足以謝先帝今

陳名夏徐沂等俱北走矣馬士英急止之日徐九一

現有人在大鎮日與楊維垣謀必欲盡殺東朴復社

諸人大獄將興尋以上游告警姑緩或夜半書士英

堂中云闖賊無門匹馬橫行天下元兇有耳一兀直

搗中原求其人不得倉場尚書賀世壽食都御史郭

維經告病去維經江右正人群小指為南昌私黨大

鎮密遣兵於江中劫之以應天府丞鄒之麟為都察

院食都御史陞何騰蛟兵部侍郎兼食都御史總督



此數日來  
共家所忌

川湖雲貴廣西軍務楊鶚同部營事時鶚撫湖南士  
英慮其人情不調。嚴令同部鶚抗疏言人情極調。且  
臣與良王所鼓相當英雄本色。丈夫肝腸青天白日。  
伏乞以後申飭臣工收斂精神用之勦禦釋此不必  
然之疑。省此不必然之事。若知之不明處之不當聽  
細人之言。薄勞苦功高之士。識者灰心。人人解體。殆  
非所以肇朝廷而鼓忠勇也。戶科吳道亦言鶚與良  
王慷慨同仇。共矢夾輔。蒞沅數日。酌定營制。經理屯  
田。業有端緒。不久撤回。大業弗竟。臣恐湖南自此无

解而楚事不可爲矣夫大敵在前屈變易大師軍法所  
忌寧擇而後用致審於任事之初無用而後擇輕重  
於受命之後疏入不省劉良佐奏報許定國引清  
兵入儀封李本身劉洪起馳斬定國先鋒劉道行  
清兵入考城加洪起太子太保清兵尋破歸睢廵  
按御史凌駟死之任潤生自縊駟遺清朝書有云  
愿堅盟好勿輕南下否則楊子江頭凌御史卽錢塘  
江上吳相國也事聞贈駟兵部侍郎潤生銜史清  
兵進逼江北直下徐賴總兵李成棟南遁四月初一

數列八罪  
使人壞  
不得足據  
不得足據  
英雄之魄

日命盡去各衙門印文南京二字因禮部管紹寧印  
被竊馬士英請改鑄另給也初四日寧南侯左良玉  
舉兵東下馳疏至云竊見逆賊馬士英出自苗種性  
本兇頑臣身在行間無日不聞其罪狀無人不恨其  
奸邪先帝皇太子至京道路洵傳陛下屢發矜慈士  
英以真爲假必欲置之死而後快其謀臣前兩疏望  
陛下從容審處猶冀士英夜氣稍存亦當別賜漸過  
以存先帝一綫不意奸謀日甚一日臣自此義不與  
奸賊共天日矣臣已提師在途將士眦目指髮人人

必欲快食其肉臣恐百萬之衆發而難收震驚宮闕  
且聲其罪狀正告陛下仰祈剛斷與天下共棄之自  
先帝之變人人號泣士英利災擅權事事與先帝爲  
難欽案先帝手定者士英首翦之要與先帝手焚者  
士英修復之思宗改謚明示先帝不足思以絕天下  
報仇雪耻之心罪不容於死者一也國家提衡文武  
全恃名器鼓舞人心自賊臣竊柄以來賣官鬻爵殆  
無虛刻都門有職方賤如狗都督滿街走之誦如越  
其雉以貪罪造成不一年而立陞部堂張孫振以賍

汚役犯不數月而負緣僕少袁洪勲與張道濬皆詔獄論罪者也。借起廢徑復原官如楊文舉劉泌王旋黃向趙書辦等。或行同大彘或罪等放逆皆用之於當路。凡此之類。直以干計。罄竹難書。罪不容於死者二也。閣臣司票擬政事。歸六部。至於兵柄尤不得兼握。士英已爲首輔。猶復掌樞。是弁髦太祖法度。且又引其腹心。阮大鍼爲添設尚書。以誦其篡弒之謀。兩于梟獍各操重兵。以爲呼應。司馬昭復生於今日。罪不容於死者三也。陛下選立中官。典禮攸關。士英居

爲奇貨先擇其尤者以克下陳罪通於天而又私買  
歌女寄養阮大鍼家希圖進選計亂中官陰謀叵測  
罪不容於死者四也陛下卽位之初恭儉神勇士英  
百計誑惑進優童艷女損傷盛德每對人言惡則歸  
君罪不容於死者五也國家遭此大難須寬仁慈愛  
以收人心士英自引用阮大鍼以來睚眦殺人如雷  
續祚周鍾等殺煉周內株連蔓引尤其甚者借題三  
案深理陷阱將生平不快意之人一網打盡令天下  
士民重足解體罪不容於死者六也九重秘審豈臣

子所敢言。士英遍布私人。凡陛下一言一動。無不窺視。又募死士。竄伏皇城。詭名禁軍。以觀陛下動靜。曰。廢立由我。罪不容於死者七也。率士碎心痛號者。先帝殉難。皇子猶存。前此定王之事。海內至今傳疑。未已。況今皇太子授受分明。臣前疏已悉。士英乃與阮大鍼一手拿定。不畏天道神明。不畏二祖列宗。不畏天下公議。不畏萬古綱常。忍以先帝已立七年之嗣君。爲四海謳歌訟獄所歸者。付之幽囚。天昏地慘。神人共憤。凡有血氣。皆欲寸磔士英。大鍼等。以謝先帝。

此非臣之私言。諸將士之言也。非獨臣標將士之言。天下忠臣義士。愚夫愚婦之公言也。伏乞陛下立將士英等肆諸市朝。傳首四方。用抒公憤。臣等束兵計刻以待。不禁大聲疾呼。激切以聞。又傳教云。蓋聞大義之垂。炳於星日。無禮之逐。嚴於鷹鷂。天地有至公。臣民不可罔也。奸臣馬士英。根原赤身。種顙藍面。背冒九死之罪。業已僞妄作奴。屠髮爲僧。重荷三代之恩。徒爾狐窟自門。狠吞泗上。會當國家多難之日。侈言旌戴勸進之功。以今上曆數之歸。爲私家携貽之。



物竊弄威福。煬蔽聰明。持兵力以勝人。致天子閉目。  
拱手。張僞旨以警俗。俾兵民重足寒心。本爲報仇而。  
立君。乃事事與先帝爲仇。不祇矯誣聖德。初因民願。  
而釋主。乃事事拂兆民之願。何由興罷民生。幻蜚蔽。  
天妖。蠱障日。賣官必先姻婭。試看七十老囚。三木敗。  
類。居然節鉞監軍。漁色罔識。清親托言六宮。備選二。  
八紅顏。變爲桑間濮上。蘇松常鎮橫征之使。肆行構。  
李會稽。妙選之音。日下江南。無夜安之枕。言馬家便。  
爾殺人。北斗有朝。慧之星。謂英名寔應。圖識除詰會。

贈。廩。之。餘。無。朝。政。自。私。怨。甚。而。外。無。功。能。預。此。之。  
爲。何。其。亟。也。而。乃。米。山。發。鐵。鑿。水。興。波。群。小。充。斥。於。  
朝。端。賢。良。竄。逐。於。厓。谷。同。已。者。性。侔。豺。虎。行。列。猪。猥。  
如。阮。大。鍤。某。某。等。數十。巨。憊。皆。引。之。爲。羽。翼。以。張。殺。  
人。媚。人。之。赤。幟。異。已。者。德。並。蘇。黃。才。媲。房。杜。如。劉。宗。  
周。姜。曰。廣。高。弘。圖。等。數十。大。賢。皆。誣。之。爲。朋。黨。以。快。  
應。郊。蛇。如。之。狠。心。道。路。有。口。空。辟。賊。方。如。利。都。督。滿。  
街。之。謠。神。明。難。欺。最。痛。立。君。由。我。殺。人。何。斯。之。何。鳴。  
呼。江。漢。長。流。滿。湘。盡。竹。簾。此。之。罪。豈。有。極。與。若。鮑。魚。

蒿而日。覆若火。木重而逾烈。放崔魏之弊。獨速政。滅  
倫。收闔。蘇之獨。猴教以井木。用腹心。出鎮太尉。朱泚  
之故。智幾幾殆。有甚焉。募死士入宮。宇文化及之所  
爲。人人而知之矣。是誠河山爲之削色。日月倏以無  
光。况皇嗣幽囚。烈祖怨恫。海內懷忠之臣。誰不願  
食其肉。敵國响風之士。咸思操盾其家。本藩先帝舊  
臣。招討重任。頻年痛心疾首。願爲鼎邊雞犬。以無從  
此日。履地戴天。誓與君側豺狼而併命。在昔陶八州。  
靖石頭之難。大義於今。炯然迄乎。韓。靳。王。除。苗。氏。之。

奸臣獻如斯乃盡是用礪兵秣馬討罪與師當鄭敗  
討賊之軍憶裴度閉邪之語謂朝中奸黨盡去則諸  
賊不討自平倘左右兇惡未除則河北雖平無用三  
軍之士戮力同仇申明仁義之聲聞首嚴焚戮之隱  
禍不敢妄殺一人以傷天心不敢荒忽一日以忘玉  
室義旗所指正明爲人臣子不忘君父之心天意中  
興必有間世英靈矢翼皇明之運泣告先帝揭此心  
用願斬賊臣之首以復九京還我阮奴之黨以報四  
望倘惑於邪說註誤流言或受奸臣之指揮或樹義

兵之仇敵。本藩一腔熱血。鬱爲輪囷。離奇勢必百萬。  
雄兵。化作蛟螭。妖孽玉石俱焚。之禍近在目前。水火  
無情之時。追維心痛。敬布苦衷。愿言共事。嗚呼。朝無  
直臣。誰斥李林甫之奸邪。國有同心。尚懷鄭虎臣之  
素志。我祖宗朝三百年養士之德。豈其決裂於僉壬。  
大明朝十五國忠義之心。正宜暴白於冤鬼。速張殮  
虎之機。勿作道狻之藪。然董卓之腹膏溢。三旬籍元  
載之尉椒盈。八百國人盡快中外。并心謹敬。又沿途  
遍張告示。稱本藩奉太子密旨。率師赴救。士英等大

近長策

簡臣正爲  
上游欲除  
君側之奸  
故尔着忙

懼京師戒嚴。士英前理部事。不入直江督袁繼咸請  
赦太子以過止之。弘光切責時左兵山九江安慶至  
建德順流而下。調黃得功劉良佐離汛遣劉孔昭阮  
大鏐方國安朱大典同禦之。陞大典兵部尚書國安  
掛鎮南將軍印。劉澤清亦托勤王率兵大掠南行。揚  
洲徐邵勢同陟沸。史可法連疏告警。弘光曰。上游急  
則赴上游。北兵急則赴北兵。自是長策可法曰。上游  
不過欲除君側之奸。原不敢與君父爲難。若北兵一  
至。宗社可虞。不知輔臣何意。朦蔽至此。乃移書士英。

易宗社安  
爲付之度  
外矣

懇其選將添兵大聲疾呼士英惟以左兵爲慮不應  
劉洪起又奏清兵直下無人敢遏恐爲南京之憂  
王永吉又奏徐鎮孤危勢不能存必保徐州方保江  
北可法又請面朝處分東宮以息群議弘光諭西營  
方急卿專心料理待奏凱復見可法嘆曰泰凱二字  
談何容易誠如上言面君不知在何日矣又連上二  
疏一劾各鎮擁兵糜餉一劾李成棟避敵南奔士英  
亦不應弘光惟以選淑女爲急先是應天府選三名  
不中司禮監又選六名亦不中特遣內監田壯國往

周以門戶  
死士論惜  
之

杭州選到陳氏王氏李氏三人。着於十五日進元暉  
殿命戶工部各委官一員採辦中宮珠冠禮冠三萬  
兩常冠一萬兩。殺從逆光時亨周鍾武愷。又殺原任  
武德道僉事雷縯祚。禮部主事周鍾。鍾與鍾從兄弟  
也。負時譽。與阮大鍼有隙。士英忝鍾從逆。謂鍾當坐  
照磨。張明弼奏鍾險惡。朱統鍾復擬鍾他事論劾提  
問縯祚亦與大鍼有怨。澤清亂攻大器及縯祚。大鍼  
復奏縯祚不忠不孝。吏科林有本繼之。有旨從逆各  
犯及雷縯祚一案着法司速行訊結。光時亨者與李



明睿不同聲氣。阻駕南遷者也。故與四人同死。改王  
永吉。總河。兼督淮揚鳳應等處錢糧。暨撫揚州。日  
仰。敬。回。另。用。時。清兵已徇徐。楊下亳泗。乘勢渡淮。  
如人無人之境。十九日召對。馬士英力請亟禦左良  
玉。大理寺卿妙思孝。尚寶司卿李之椿等。合詞請傳  
淮揚工科吳希哲等。亦言淮揚最急。應亟防禦。弘光  
諭士英。左良玉雖不該興兵。以逼南京。然看他本上  
意。思。原。不。曾。反。叛。如。今。還。該。守。淮。揚。不。可。撤。江。防。兵。  
士英厲聲指諸臣曰。此皆良玉死黨。爲遊說。其言

古有取民  
一蘇一笠  
立新以狗  
者胡不置  
焉

不可聽臣已調得功良佐等渡江矣寧可君臣皆死  
於清不可死於左良玉手瞋目大呼有異議者當  
斬弘光嘿然諸臣咸爲咋舌禮部尚書錢謙益言陳  
洪範還該收他弘光諭國家何常不收人只是收來  
不得其用希哲退曰賈似道棄淮揚矣給事中吳适  
疏求方國安半文綬言文綬本無寸功驟列大帥乃  
復縱兵譁掠摧陷建德東流大屬非法國安受國厚  
恩乃銅陵西關南陵城才聚兵攻擊赤子何辜遭茲  
塗炭益之深熱其與叛逆何異陛下宜加禁戢蔡奕

東林正人  
之茲復社  
名士之林  
以此論罪  
崇於華矣  
矣

既等票旨。文綬久在南床。國安現在勦逆。吳适謫言  
亂。收爲逆臣出脫。是何肺腸。明日奕琛具疏特糾逮  
适下獄。先是左光先按浙會鞠奕琛一案。适時爲霍  
州司理。與紹興司理陳子龍共成是獄。及奕琛入相  
與阮大鍼同心排擠光先。以致被逮。并及於适。寔情  
題以快夙憾。而國事封疆俱置不問。御史張孫振又  
有疏糾适爲東林滴派。復社渠魁。宜速正兩觀之誅。  
二十四日。清兵攻揚州。史可法禦之。薄有斬獲。攻  
益急。血奏請救。不報。可法開門出戰。清兵破城入。

屠揚州可法死之。原任兵部尚書張伯鯨被執不順，身被數創，自剄死。妻楊氏、媳郝氏從之。明日弘光召群臣問遷都計。錢謙益言不可。馬士英請調黔兵入衛，辭走貴陽。工科吳希哲等力諫乃止。召黔兵一千二百名入城，命任鷄鳴山房。良玉舉兵，不數日病死。子夢庚東下，至采石，爲黃得功方國安所敗，尋聞清兵信，悉引還。捷聞，封得功靖國公，并晉大綬、大典、太子太保、總兵張杰等各加級。有差。五月，以巡漕御史霍達監軍，僉事楊文聰分設蘇松常鎮巡撫，各僉

平何時也  
入內演戲

都御史初五日百官進賀弘光以演戲不視朝馬士  
英傳令各門下關展開申開封鄭鴻達靖伯世襲  
賜蟒衣金幣清兵既破揚州沿江問渡惟鄭鴻達  
一旅守於京口初八日夜清兵編筏張燈向鎮江  
而別由老鵲河渡初九日盡抵南岸鄭兵揚帆東遁  
初十日閉京師各城門晝晦大風猛雨午後猶集梨  
園入內演戲弘光與諸內臣襟坐酣飲二鼓出奔五  
鼓士英奉太后召黔兵護衛走浙黎明內門不開宮  
女襟走於是各官奔竄十一日忻城伯趙之龍閉各

城門以待。清兵居民競聚城內外。黔兵無有逸者。午刻有監生趙某率市人百衆出王之明於獄。擁入宮中。登殿鳴鐘。百官莫有至者。吏部尚書張捷。副都御史楊維垣。自經死。妾朱氏孔氏從之。王之明拈示皇城。畧云。先皇帝丕承大陽。惟茲臣庶同其甘苦。胡天不祐。慘罹奇禍。凡有血氣。裂眦痛心。泣予小子。分宜殉國。思以君父大仇。不共戴天。皇祖基業。汗血匪易。忍垢匿避。圖雪國耻。幸文武先生迎立福藩。予惟先帝之哀。奔投南都。寔欲哭陳大義。不意巨奸障蔽。

至極極格。予雖幽獄。無日不痛絕也。福王聞兵進。近  
先爲民望。其如高皇帝之陵寢何。泣予小子。父老人  
民。圍抱出獄。擁入皇官。予身負重寃。豈稱尊南面之  
日乎。謹此布告在京勲舊文武先生士庶人等。念此  
痛懷。勿惜會議。予當恭聽。共抒皇猷。勿以前日有不  
議予之嫌。惜爾經綸之教也。十二日。欽天監挈壺官  
陳子階自經。是日弘光駐太平府二十里外。黃得功  
阮大鍼朱大典方國安等來見。欲入太平。太平民不  
納。十三日往蕪湖。總兵官黃斌卿遣登中軍翁之麒

項國一  
時將也  
御其南  
來精名

舟十四日將往浙時。清豫王已薄都城。趙之龍同  
王之明出降。豫王加之龍興國公。賜金盞鞍馬貂裘  
寶帽。設牛酒軍中晏之。十六日豫王入京。百官朝見。  
百姓家設香案投誠。豫王出示曉諭。大畧云。福王僭  
稱尊號。沉湎酒色。信任貪士。民生日弄。文臣弄權。只  
知作惡納賄。武臣要君。惟思假威跋扈。上下離心。遠  
近仇恨。時劉孔昭往浙。劉澤清入湯。劉良佐降。奉豫  
王命。引兵追弘光至蕪湖。於十五日及之。且召黃得  
功。得功不從。良佐伏弩射中得功喉。得功創甚。拔劍



於毅前全  
領於防左  
身雖重  
便難西盛  
名不終良  
可謂耳

小瑞難乞  
兒更難

明孝義傳 卷之三  
月朔。良佐挾弘先去之。琪投水死。弘先見豫王於內  
守備府。王責其僭位稱尊。荒酒好色及謀害太子等  
事。弘光嘿然。隨囚於江寧縣。刑部尚書高倬、戶部郎  
中劉成治、署中自經。十八日。國子監生吳可箕、鷄鳴  
山關廟中經死。二十三日。中書舍人龔廷祥投秦淮  
河中死。其死不知日者。中書舍人陳應及子舉人陳  
伯俞、戶部主事吳佳胤死。不知名者投秦淮河中。馮  
小瑞。百川橋下乞兒也。小瑞以色幸。卒以身殉。乞兒  
題詩橋上有云。三百年來養士朝。如何文武盡皆逃。

綱常留在卑田院乞丐羞存命一條禮部郎中劉萬春主事黃端伯以不朝斬之豫王分兵畧定各屬而命御史王憐劉光斗鴻臚丞黃家駒等分往招撫家駒至蘇遇害蘇州諸生顧所受服儒服哭文廟投泮池死原任少詹徐汧沉虎丘後溪死玄廟觀前賣麵人夫婦對經死嘗州石生及賣扇殿姓者投西廟池中死又一鄉民賣柴入城聞安撫使至棄柴船躍入文城壩南麓游河死五牧有蓄鷄鳥薛叟以雞髮自縊死嘗熟諸生徐懌以雞髮自縊死諸生項志寧不

食死。武進諸生董元哲痛哭死。至於各處起兵見殺。  
則貴池諸生吳應箕。宣城諸生麻三衡。徽州鄉宦金  
聲。武官陳有功。余元宣。萬會。吳國禎。而蘇州原任遊  
擊魯之瑛。及常武貽俱戰死。嘉定原任通政使侯嗣  
曾。城破與子諸生侯玄演。侯玄潔被殺。進士黃淳樸  
與兄黃淵耀及舉人張錫眉。龔用國俱死。嘗熟諸生  
徐守質戰死。崑山貢生朱集璜。城破被執。不順死。故  
將王公揚年七十戰死。諸生陶琰。城破自刎死。原任  
狼山總兵王佐才。爲亂兵殺死。一家老幼屠戮殆盡。

松江原任中書李待問。傳羅知縣章。城破被殺。市部主事夏允彝投水死。總兵吳志葵黃蜚駐兵豆腐浜。被擒解至南京殺死。華亭教諭莊明永被執不順死。常州諸生吳福之徐安達入太湖從黃兵。兵敗福之投水死。安達被殺。諸生張龍文率鄉兵薄郡城殺死。江陰屢攻不下。至三月乃克。遂屠其城。典史陳明遇閉門投火。閻應元不順見殺。訓導馮某自縊。明倫堂上中書戚勳全家焚死。及兵下嘉湖。吏部郎中錢棟戰沒。震澤原任吏部尚書徐石麟自縊。其僕祖敏

徐錦從死。兵至杭州。潞王以城投順。杭州原任行人  
陸培縊死。錢塘知縣顧咸建不順被殺。某縣知縣梁  
于溪亦死。其前遣使臣左懋第在北聞江南陷。七日  
不食。攝政王召君。蔭衣孝巾草屨。向上長揖。南面而  
坐。攝政王數以僞立福王。勾引土寇。不授國書。擅殺  
總兵。當廷抗禮。五大罪。懋第抗詞。惟請一死。命薙髮。  
堅不肯於閏六月十九日殺之。題絕命詩有云。峽坑  
巢封歸路迴。片雲南下意如何。寸丹冷魄消難盡。蕩  
作寒烟總不磨。恭謀兵部王事。陳用極。遊擊王一斌。

張良佐王廷佐劉統等五人從死忽沙風四起捲而  
棚於雲際屋瓦皆飛一時罷市豫王既定江浙尋歸  
北京挾弘光王之明去不知所在